



Lehiaren
Euskal Agintaritza

Autoridad Vasca
de la Competencia

LEHIAREN EUSKAL AGINTARITZAREN DIRULAGUNTZEN PLAN ESTRATEGIKOA 2021ERAKO

Osoko bilkura:

Alba Urresola Clavero, presidentea

Rafael Iturriaga Nieva jauna, kontseilukidea

Enara Venturini Álvarez, kontseilukidea

Ainara Herce San Martín, idazkaria

Lehiaren Euskal Agintaritza (LEA), aipatu kideak bertaratuta, 2021eko urtarrilaren 29an bildu zen, Lehiaren Euskal Agintaritzaren 2021erako Dirulaguntzen Plan Estrategikoa onartzeko.

1. Dirulaguntzei buruzko azaroaren 17ko 38/2003 Lege Orokorraren 8.1 artikularen arabera¹, dirulaguntzak ematea proposatzen duten administrazio publikoetako organoek edo erakunde guztiek, aldeztatik, dirulaguntzen plan estrategiko batean zehaztu behar dituzte haien bidez lortu nahi dituzten helburu eta ondorioak, helburuok lortzeko epea, aurreikusten diren kostuak eta finantzaketa-iturriak, betiere aurrekontu-egonkortasunaren helburuei jarraituz.

2. Lehiaren Euskal Agintaritza sortzeko legearen bidez (otsailaren 2ko 1/2012) sortu zen Lehiaren Euskal Agintaritza, administrazio erakunde autonomo gisa, ekonomia-politikaren eta lehiaren defentsaren ardura duen Eusko Jaurlaritzako sailari atxikia, eta esleitu zaizkion eginkizunak betetzeko berezko nortasun juridiko eta jarduteko gaitasun osoarekin.

3. Lehiaren Euskal Agintaritzaren helburu orokorra merkatuko lehia askearen eta gardentasunaren baldintzak sustatu, bermatu eta hobetzea da, Euskal Autonomia Erkidegoan egiten diren jarduera ekonomikoetara dagokienez. Horretarako, zenbait eskumen baliatuko ditu, hain zuzen ere, zehatzeko, sustatzeko, aurkaratzeko, irizpenak emateko, kontsultatzeko eta arbitratzeko eskumenak.

¹ Aipatu artikulua da oinarritzko legeria.



4. Lehiaren Euskal Agintaritzaren 2018-2022 aldirako plan estrategikoaren helburuetako bat da lehia sustatzea. Lehiaren kultura sustatzeko, hainbat jarduera egin asmo ditu: unibertsitateekin kolaboratzea, bekak ematea eta lehiaren defentsako ikerlanen deialdia.

Jarduera horiek helburuak lortzeko efikazak direla egiaztatu da, eta, orobat, Lehiaren Euskal Agintaritzak instituzio akademiko nahiz graduondoko ikasleen aldetik jasotako eskaera gero eta ugariagoi emandako erantzuna dira. Esaterako, pasa den ekitaldian, Deustuko Unibertsitateko Zuzenbide Fakultatea agintaritzarekin harremanetan jarri zen lankidetzaz hitzarmen bat izenpetu nahi zuela-eta, unibertsitateko ikasleek curriculumeko prestakuntza-praktikak agintaritzan egin zitzaten. Bestalde, asko dira agintaritzarekin zuzenean harremanetan jartzen diren ikasleak, agintaritzan curriculumaz kanpoko prestakuntza-praktikak egin ditzaketen galdetzeko.

5. Euskal autonomia-erkidegoko 2021erako aurrekontu orokorren proiektuan, 4. kapituluan, 7.000.000 euro zuzkitu dira Lehiaren Euskal Agintaritzaren 61150 programako dirulaguntzetarako, goi-mailako unibertsitate tituludunen prestakuntza-programa baten deialdi publikoa egiteko, agintaritzaren jardun-esparruen gaineko ezagutza teoriko-praktikoan sakondu nahi dutenei zuzendua.

6. Beraz, efikazia eta efizientzia hobetzeko eta publikotasunaren eta gardentasunaren mesedetan, Lehiaren Euskal Agintaritzari buruzko Legearen (otsailaren 2ko 1/2012) 9. artikularekin bat, Lehiaren Euskal Kontseiluak honakoa

ERABAKITZEN DU:

LEHENA: Lehiaren Euskal Agintaritzaren 2021erako dirulaguntzen plan estrategikoa onartzea (hitzarmenaren eranskina).

BIGARRENA: Ebazpen hau publiko egitea dagozkion bitarteko ofizialen bidez, eta edonola ere, Lehiaren webgunean: <https://www.competencia.euskadi.eus/>.



ERANSKINA

Lehiaren Euskal Agintaritzaren Dirulaguntzen Plan Estrategikoa 2021erako

I- Sarrera

Agintaritzak Lehiaren Euskal Agintaritza sortzeko legearen bidez (otsailaren 2ko 1/2012) esleituta dituen eginkizunak betetzeko jarraitutako politikaren plangintza-tresna da aipatu plana.

Lehiaren Euskal Agintaritzaren helburu orokorra merkatuko lehia askearen eta gardentasunaren baldintzak sustatu, bermatu eta hobetzea da, Euskal Autonomia Erkidegoan egiten diren jarduera ekonomikoei dagokienez. Horretarako, zenbait eskumen baliatuko ditu, hain zuzen ere, zehatzeko, sustatzeko, aurkaratzeko, irizpenak emateko, kontsultatzeko eta arbitratzeko eskumenak.

Lehiaren Euskal Agintaritzaren 2018-2022 aldirako plan estrategikoaren helburuetako bat da lehia sustatzea. Lehiaren kultura sustatzeko, hainbat jarduera egin asmo ditu: unibertsitateekin kolaboratzea, bekak ematea eta lehiaren defentsako ikerlanen deialdia.

Jarduera horiek helburu publikoa lortzeko efikazak direla egiaztatu da, eta, orobat, Lehiaren Euskal Agintaritzak instituzio akademiko nahiz graduondoko ikasleen aldetik jasotako eskaera gero eta ugariagoi emandako erantzuna dira.

Esaterako, pasa den ekitaldian, Deustuko Unibertsitateko Zuzenbide Fakultatea agintaritzarekin harremanetan jarri zen prestakuntza-lankidetzako hitzarmen bat izenpetu nahi zuela-eta, unibertsitateko ikasleek curriculumeko prestakuntza-praktikak agintaritzan egin zituzten. Hala, hitzarmena sinatu zuten bi erakundeek, eta zuzenbideko ikasle batek agintaritzan egin ahal izan zituen prestakuntza-praktikak.

Agintaritzak bide horretatik jarraitu nahi du, unibertsitateekin elkarlanean, aipatu ikasleek ikasketa-planetan ezarrita dituzten trebetasun beharrezkoak garatu ahal izateko prestakuntza-konpetentziak eskuratu ditzaten, eta, aldi berean, gizarteari ekarpena egiteko.

Bestalde, asko dira agintaritzarekin zuzenean harremanetan jartzen diren ikasleak, agintaritzan curriculumaz kanpoko prestakuntza-praktikak egin ditzaketen



galdetzeko. Agintaritzak ezin izan die denei baietz erantzun, ez baitu berariazko programarik horretarako.

Lehiari buruzko prestakuntza jasotzeko interesa ikusita, aukerak eta baliabideak aztertu dira –giza baliabideak, agintaritzako langileen ohiko jardunbidean ez dadin izan eragozpen; baliabide materialak, ikasleak prestakuntza agintaritzaren egoitzan egin ahal izateko lan-eremu egokia eduki dezan; eta baliabide ekonomikoak, 7.000 euro bekatarako–, eta Lehiaren Euskal Agintaritzan curriculumaz kanpoko prestakuntza-praktiken deialdi publikoa egitea erabaki da.

Plana egiteko, beraz, hauek hartu dira kontuan: xedeko interes publikoa eta aipatu aldirako baliabide erabilgarriak, betiere efikazia eta efizientzia hobek bermatzearen, eta jarduna are gardenagoa izatearen.

Edonola ere, ohartarazi behar dugu plana programatikoa dela eta, beraz, planaren edukia ez duela eskubide eta betebeharririk sortzen. Abiarazten diren dirulaguntza-ildoen arabera izango da planaren eraginkortasuna, eta, beste alderdi batzuen artean, ekitaldiko aurrekontuari begiratu beharko zaio.

II- Planaren eremu objektiboa, instituzionala eta iraupena.

Plana sailaz azpiko mailakoa da, eta Lehiaren Euskal Agintaritzak emango dituen dirulaguntzak soilik hartzen ditu barnean. Ogasun eta Ekonomia Sailari atxikitako erakundea da agintaritzak, eta Lehiaren Euskal Agintaritzak sortzeko legean (otsailaren 2ko 1/2012) ezarritako eginkizunak bete behar ditu.

Curriculumaz kanpoko prestakuntza-beken dirulaguntzen deialdia egitea aurreikusi da, lehiako ikasgaiekin eta agintaritzaren eginkizunekin lotura duten adarretako goimailako tituludunei zuzendua. Diru kopuru bat jasoko dute hilerok, eta alta emango zaie Gizarte Segurantzari, indarrean den araudi aplikagarriari jarraikiz. Prestakuntza-praktika horiek agintaritzaren egoitzan egingo dira (Ertzila 4, 2. solairua, Bilbo).

Plana 2021erako da.



Lehiaren
Euskal Agintaritza

Autoridad Vasca
de la Competencia

Ardatz estrategikoa: Lehiaren kultura sustatzea

Helburu estrategikoa <i>Lehiari eta Lehiaren Euskal Agintaritzaren egitekoei buruzko prestakuntza ematea unibertsitate-tituludunei</i>		
Dirulaguntzen lerroa <i>Bekak</i>		
Organoa <i>Presidentetza</i>		
Programa <i>6115 - Lehiaren Euskal Agintaritza</i>		
Helburuak, ekintzak eta adierazleak <i>Helburua: lehiari eta Lehiaren Euskal Agintaritzaren egitekoei buruzko prestakuntza ematea unibertsitate-tituludunei</i> <i>Ekintza: Prestakuntza</i> <i>Adierazlea: Prestakuntzako ordu kopurua: 300 h</i>		
Aurrekontu-konpromisoak eta finantzaketa-ehunekoa finantzaketa publikoaren globalarekiko		
Guztira 4. kapitulua	2021	
	Zenbatekoa eurotan	%
	7.000	% 100
Helburuko sektoreak <i>Lehiaren Euskal Agintaritzaren jardun-arloei buruzko ezagutza teoriko-praktikoan sakondu nahi duten goi-mailako unibertsitate tituludunak.</i>		
Emateko prozedura: <i>Urteroko deialdi publikoaren ebazpena. Lehia-prozedura; deialdian ezarritako balorazio-irizpideen arabera aztertuko dira eskaerak.</i>		